

# Libertat

## INTRO

Mi amiga ki'a pasa.

Ban k'e man na laira. (Ban k'e man na laira)

Loke a pasa a pasa kaba. (Habri bo kara)

Mi tin mes un sintimentu kubo.

(Habri bo kara)

Bin laga nos ban baila. (Habri bo kara)

## KUPLÈT 1

Si tamarein ta pidi su suku. (Hepaaa)

E no ke konformele ku nada otro.

Adrenalina haltu den sistema

Pasó awe t'e gran dia. (Awe t'e gran dia)

Mi amigu ki'a pasa.

Ban k'e man na laira. (ban k'e man na laira)

Loke a pasa a pasa kaba. (Habri bo kara)

*Kompositor Letra: Amos Balentin*  
*Kompositor di Melodia: Amos Balentin*  
*Areglista: Derrel "Tití" de Palm,*  
*Gregory Colina*  
*Kantante: Amos Balentin*  
*Agrupashon: ICONS*

Den introdukshon mi ta ta referí na e temporada difísil ku nos a kaba di pasa aden. Nos a konosé pa promé biaha den nos époka e sintimentu di biba sin libertat. Esei ta komienso di e inspirashon. Pasando den e situashon ei a poné mi realisá kon importante nos libertat ta.

Nos konosé e dicho 'Si tamarein ta pidi su suku bo tin ku dun'é'. Apesar ku nan a purba den e temporada ku no tabatin karnaval i festival di tumba di trese diferente alternativa pa yena e bashí di su ousensia, lamentablemente esaki no a duna e resultado deseá.

Adrenalina haltu den sistema ta referí na e sintimentu di emoshon ku tur hende envolví den e temporada aki ta sintiendo pasobrá nos fiesta nashonal t'ei bèk.

## KUPLÈT 2

E situashon n'ta den nos man. (awèl)

Henter mundu a hañ'é wantá. (umhh)

Ta tin ku siña kremenchá. (t'esei)

Tolerá i konformá

(awó no tin nodi wanta mas)

Pasó ta kaya nos ta bai.

(Responsabel i konsientemente)

Pasó ta kaya nos ta bai.

(Misa misa)

Pandemia n'pasa.

(Tambe mi sa)

K'e pueblo a sufri hopi.

(misa misa)

Ku nos lo sali afó.

(Tambe mi sa)

Ku no tin nada mas dushi

(ku nos libertahahahahat)

Bo wak mi bon lòs, ta baila tumba.

(Bo wak mi lòs lòs 3x)

Ta hasi mi kos

Mi so den mi mundu.

Gosa mi karnaval.

(Bo wak mi bon lòs, ta baila tumba

Bo wak mi bon lòs ta habri afó)

Den e kuplèt 2 mi ta hasi un rekapitulashon di e smak di e eksperensia amargo ku mundu a konosé durante e pandemia. Awor no tin nodi wanta mas pasobra Danki na Dios e temporada di mas difísil ta tras di lomba i ku poko poko pero sigur nos komo pueblo ta rekuperando. Awor mas konsiente di e balor di libertat i demokrasia den nos pais.

Nò nò nò envidiá e kurashi  
Bin bo tambe sende  
Sin wòri ki'nan ta papia di bo  
Hala bin aden  
Hasié p'esnan ku awe no t'ei  
Dushi bini  
Bin baila  
Ta tumba

(Bo wak mi lòs lòs 3× )

Ta baila tumba  
Loko den mi kos.

## BRÙG SERÁ

Kada kabes sa pa su mes.  
Kiko tur el a pasa aden

(Ku awe mané por)

(Segun nos forsa nos t'ei!)

1. Si bo wak mi gosa (lòs lòs)
2. No bisa nada
3. Mi n'bebe nada ainda
4. Esaki ta puru alegria
5. Liberdat bal oro

Awor ku nos por gosa bèk mi ke rekuperá tur e tempu pèrdí. Gosando di bida sin wòri ku kosnan sin balor i ku opinion di hendenan ku mentalidat limitá.

Mi ta referí na gosa huntu den memoria ku tur e sernan kerí ku no tabata afortuná di t'ei awe p'asina gosa ku nos e regreso di nos festival di tumba i karnaval.

Aki mi ta referí ku kada kas tin nan krus i kada kabes tin su mes preokupashonnan. I apesar di tur situashon i kontratiempo tòg a sa perserverá i mantené fe pa sigui pusha pa dilanti segun su forsa i Dios su boluntat.

6. Lo mi no cambié

7. Pa nada di mundu

8. Mi n'ta gaña bo

(Lòs lòs suave 2x)

9. Ku mi ta gosando

11. Kon tur hende

12. Ta profilando

13. Te patras ku mannan na laira

14. E amiga riba wega den banda

15. E otro riba baila maraka

16. Abo so pará riba nada

17. Kon bin bo n'tin rel.

18. Ki' esaki ta?

19. Dikon bo n'tin rel?

20. Ki'e ko 'ki ta?

21. Ei 'sis 'bo ta ok?

(Nami wak bo 4x)

22. Bo ta sinti bon?

23. Òf t'e kurpa ta due?

24. L'ami wak bo awó!

Esun ta zoy'é  
Esun ta bail'é  
Esun ta yang'é  
Esun ta kob'é  
Até ta bai kue 8x

(L'ami wak bo)

- 1.Man na laira
- 2.gosa di bo bida
- 3.Niun hende un t'abo
- 4.Bo n'ta niun hende
- 5.Bo ta bo mes.
- 6.Basha Ra ra ra
- 7.Buta ra ra ra
- 8.L'ami wak bo buta.
- 9.L'ami wak bo krese
- 10.Mi ta gusta
- 11.Mi ta gosa
- 12.Kon boso ta profilando

**Final**